

古今

名醫驗方類編

古今名醫驗方類編目錄

卷六 通治部

呃逆門

咳逆打呃	一
噦逆欲死	一
胃寒呃逆	一
暴逆氣上	一
諸氣呃逆	一
傷寒呃逆	一
呃逆不止	一
胃冷久呃	一
陰症呃逆	一
呃因痰怒	一
病後呃逆	一
嘔逆厥逆	一
痞滿門	一
心腹煩滿	一

心下有水	二
胸滿痞痛	二
飲水停滯	二
腹中痞積	二
癰痞腹脹	二
傷寒痞滿	二
膈間支飲	三
支飲苦冒	三
痞症發熱	三
冷痰痞滿	三
嘔吐胸滿	三
下早成痞	三
痞塊痞積	三
腹中冷癖	三
老人膈痞	三
治中湯	三
枳朮丸	三

枳朮湯	四
寬中丸	四
香橙湯	四
快膈湯	四
哮喘門	四
傷水喘急	四
哮喘有聲	四
痰喘哮喘	四
喘急欲死	四
陽虛氣喘	五
上氣喘息	五
定喘下氣	五
肺虛喘息	五
肺濕痰喘	五
肺壅喘急	五
肺熱氣喘	五
風痰喘逆	五



勞心吐血	一
吐血損肺	一
陽虛吐血	一
虛勞吐血	一
諸般吐血	一
吐血不止	九
衄血不止	七
九竅出血	六
失血門	
鹽哮痰喘	六
年深哮喘	六
哮喘不止	六
喘促浮腫	六
肺風喘促	六
高年氣喘	六
痰氣喘急	六
諸喘不止	六
寒痰哮喘	六
痰喘氣急	六
胸喘咳嗽	五

傷寒衄血	一三
病後常衄	一三
舌衄出血	一三
少小鼻衄	一三
大衄久衄	一三
衄血一月	一三
鼻血時作	一三
吐血瘀聚	一三
氣鬱吐血	一三
吐血喘嗽	一二
心熱吐血	一二
卒然吐血	一二
肺病吐血	一二
老幼吐血	一二
吐血不定	一二
吐血燥渴	一二
肺疽吐血	一三
吐血刺痛	一三
中壘吐血	一二
積熱吐血	一二

脾濕下血	一六
下血數升	一六
下血年久	一五
下血瀉血	一五
肺痿咯血	一四
肺病咯血	一四
肺熱咯血	一四
肺癰咯血	一四
憂悲嘔血	一四
嘔血不止	一四
嘔血熱極	一四
嘔血吐痰	一四
肺損嘔血	一四
齒縫衄血	一四
口鼻出血	一四
鼻衄眩冒	一四
肺痿鼻衄	一四
肺痿鼻衄	一三
肺痿鼻衄	一三
肺痿鼻衄	一三



瀉血萎黃	一六
暴下血病	一六
中蠱下血	一六
結陰下血	一六
陽毒下血	一六
蟲痢下血	一七
下血脫肛	一七
熱毒下血	一七
下血虛寒	一七
酒積下血	一七
漏血欲死	一七
陰虛尿血	一七
大小便血	一七
衄血吐血	一七
衄血咯血	一八
吐血鼻洪	一八
吐血嗽血	一八
吐血嘔血	一八
咯血唾血	一八
吐血咯血	一八

吐血痔血	一九
皮膚血澱	一九
吐血便血	一九
吐血瀉血	一九
血汗不止	一九
失血眩暈	一九
血症黃腫	一九
肺破出血	一九
男女病血	一九
男女血虛	二〇
上下諸血	二〇
花藥石散	二〇
地黃煎	二〇



古今名醫驗方類編卷六

通治部

呃逆門

●咳逆打呃

【醫方摘要】硫黃燒煙嗅之立止

●噦逆欲死

【金匱要略】半夏生薑湯主之

【蘇頌圖經】石蓮肉六枚炒赤黃色研末冷熱水

半盞和服便止

●胃寒呃逆

【和劑局方】停痰留飲藿香半夏湯用半夏湯泡

炒黃二兩藿香葉一兩丁香半兩每服四錢水

一盞薑七片煎服

●暴逆氣上

【寇氏衍義】嚼薑兩三片壓效

●諸氣呃逆

【孫尚藥方】橘皮二兩去翻水一升煎五合頓服

或加枳殼尤良

●傷寒呃逆

【醫林集要】聲聞四鄰四花青皮全者研末每服

二錢白湯下

【本事方】枳殼半兩木香一錢爲末每白湯服一

錢未止再服

●呃逆不止



【發明】時珍曰欬逆者氣自臍下衝脈直上至咽
膈作呃忒塞逆之聲也朱肱南陽書以噦爲欬

逆王履湖洄集以欬嗽爲欬逆皆誤矣噦者乾
呃有聲也欬逆有傷寒吐下後及久病產後老
人虛人陰氣大虧陽氣暴逆自下焦逆至上焦
而不能出者有傷寒失下及平人痰氣抑遏而
然者當視其虛實陰陽或溫或補或泄熱或降
氣或吐或下可也古方單用柿蒂煮汁飲之取
其苦溫能降逆氣也濟生柿蒂散加以丁香生
薑之辛熱以開痰散鬱蓋從治之法而昔人亦
常用之收效矣

【濟生方】柿蒂散治欬逆胸滿用柿蒂丁香各二
錢生薑五片水煎服或爲末白湯服 潔古加
人參一錢治虛人欬逆 三因加良薑甘草等

分 衛生寶鑑加青皮陳皮 王氏易簡加半
夏生薑

【醫方摘要】荔枝七個連皮核燒存性爲末白湯
調下立止

【經驗方】川椒四兩炒研麪糊丸梧子大每服十
丸醋湯下神效

【醫方摘要】黃蠟燒煙薰二三次即止

●胃冷久呃

【活人心鏡】沉香紫蘇白豆蔻仁各一錢爲末每
柿蒂湯服五七分

●陰症呃逆

【傷寒蘊要】乳香同硫黃燒煙嗅之

●呃因痰怒

【發明】震亨曰一女子性躁味厚暑月因怒而病

呃每作則舉身跳動昏冒不知人其形氣俱實
乃痰因怒鬱氣不得降非吐不可遂以人參蘆
半兩逆流水一盞半煎一大盃飲之吐頑痰數
盃大汗昏睡一日而安

●病後呃逆

【發明】時珍曰刀豆本草失載惟近時小書載其
暖而補元陽也又有人病後呃逆不止聲聞四
鄰或令取刀豆子燒存性白湯調服二錢即止
此亦取其下氣歸元而逆自止也

●嘔逆厥逆

【外臺祕要】內有寒痰半夏一升洗滑焙研小麥
麴一升水和作丸彈子大水煮熟初吞四五枚
日三服稍增至十五枚旋煮旋吞覺病減再作
忌羊肉錫糖此乃許仁則方也

痞滿門

●心腹煩滿

【肘后方】及胸脇痛欲死者比輪古錢二十枚水
五升煮三升分三服

【千金方】短氣用草豆蔻一兩去皮爲末以木瓜
生薑湯調服半錢

●心下有水

【梅師方】白朮三兩澤瀉五兩水三升煎一升半
分三服

●胸滿痞痛

【南陽活人書】桔梗枳殼等分水二鍾煎一鍾溫
服

【聖濟總錄】口乾肌瘦食減或時壯熱石三稜京



三稜雞爪三稜並泡蓬莖莖三枚檳榔一枚青橘皮五十斤醋浸去白陳倉米一合醋浸淘過巴豆五十個去皮同青皮倉米炒乾去豆爲末糊丸綠豆大每米飲下三九日一服

●飲水停滯

【肘后方】大熱行極及食熱餅後飲冷水過多不消停滯在胸不利呼吸喘息者杜衡三分瓜蒂二分人參一分爲末湯服一錢日二服取吐爲度

●腹中痞積

【劉松石保壽堂方】水荳蔻或子一盞以水三盞用桑柴文武火煎成膏量痞大小攤貼仍以酒調膏服忌腥葷油膩之物

【外臺祕要】大黃十兩爲散醋三升蜜兩匙和煎

九梧子大每服二十丸生薑湯下吐利爲度

●癰痞腹脹

【蘭氏經驗方】及堅硬如盃碗者用水荳蔻花子一升另研獨顆蒜三十個去皮新狗腦一個皮硝四兩石臼搗爛攤在患處上用油紙以長帛束之酉時貼之次日辰時取之未效再貼二三次倘有膿潰勿怪仍看虛實日逐間服錢氏白餅子紫霜丸塌氣丸消積丸利之磨之服之半月甚者一月無不瘥矣以喘滿者爲實不喘者爲虛

●傷寒痞滿

【仲景傷寒論】病發於陰而反下之心下滿而不痛按之濡此爲痞也大黃黃連瀉心湯主之大黃二兩黃連一兩以麻沸湯二升漬之須臾絞

汁分作二次溫服

● 膈間支飲

【張仲景方】其人喘滿心下痞堅而繫黑其脈沉緊得之數十日醫吐下之不愈木防己湯主之
虛者即愈實者三日復與之不愈去石膏加茯苓芒硝主之用木防己三兩人參四兩桂枝二兩石膏雞子大十二枚水六升煮二升分服

● 支飲苦胃

【仲景澤瀉湯】用澤瀉五兩白朮二兩水二升煮一升分二服
深師方先以水二升煮二物取一升又以水一升煮澤瀉取五合二汁分再服
病甚欲眩者服之必癒

● 痞症發熱

【普濟方】盜汗胸背疼痛甘遂麝包漿水煮十沸

去麝以細糖火炒黃爲末大人三錢小兒一錢
冷蜜水臥時服忌油膩魚肉

● 冷痰痞滿

【普濟方】黑芥子白芥子大戟甘遂胡椒桂心等分爲末糊丸梧子大每服十九丸薑湯下名黑芥丸

● 嘔吐胸滿

【仲景方】吳茱萸湯用茱萸一升棗二十枚生薑一大兩人參一兩以水五升煎取三升每服七合日三服

● 下早成痞

【宣明方】傷寒陰症下早成痞心下滿而不痛按之虛軟枳殼檳榔等分爲末每服三錢黃連湯調下



●痞塊疳積

【簡便方】五靈脂炒煙盡真阿魏去砂研等分用黃雄狗膽汁和九黍米大空心津嚥三十九忌羊肉醋麪

●腹中冷痛

【肘后方】水穀瘕結心下停痰兩脅痞滿按之鳴轉逆害飲食大蠅餘一枚去皮腸支解之芒硝強人一升中人七合弱人五合水七升煮四升頓服得下爲度

●老人腸痞

【多能鄙事】不下飲食用羊肉四兩切白麪六兩橘皮末一分薑汁搜如常法入五味作饅食每日一次大效

●治中湯

【和劑局方】頤曰張仲景治胸痺心中痞堅留氣

結胸胸滿脅下逆氣搶心治中湯主之卽理中湯人參白朮乾薑甘草各三兩四味以水八升煮三升每服一升日三服隨證加減此方自晉宋以後至唐名醫治心腹病者無不用之或作湯或蜜丸或爲散皆有奇效胡洽居士治霍亂謂之溫中湯陶隱居百一方云霍亂餘藥乃或難求而治中方四順湯厚朴湯不可暫缺常須預合自隨也唐石泉公王方慶云數方不惟霍亂可醫諸病皆療也四順湯用人參甘草乾薑附子炮各二兩水六升煎二升半分四服

●枳朮丸

【潔古家珍】消痞強胃久服令人食自不停也白朮一兩黃壁土炒過去土枳實麸炒去麸一兩



爲末荷葉包飯燒熟搗和九梧子大每服五十
九白湯下氣滯加橘皮一兩有火加黃連一兩
有痰加半夏一兩有寒加乾薑五錢木香三錢
有食加神曲麥蘖各五錢

●枳朮湯

【仲景金匱玉函】心下堅大如盤邊如旋盃水飲
所作寒氣不足則手足厥逆腹滿脇鳴相逐陽
氣不通卽水冷陰氣不通卽骨疼陽前通則惡
寒陰前通則痙不仁陰陽相得其氣乃行大氣
一轉其氣乃散實則失氣虛則遺尿名曰氣分
宜此主之白朮一兩枳實七個水五升煮三升
分三服胸中軟卽散

●寬中丸

【指迷方】治脾氣不和冷氣客於中壅遏不通是

爲脹滿用橘皮四兩白朮二兩爲末酒糊丸梧

子大每食前木香湯下三十九日三服

●香橙湯

【奇效良方】寬中快氣消酒用橙皮二斤切片生
薑五兩切焙搗爛入炙甘草末一兩檀香末半
兩和作小餅每嚼一餅沸湯入鹽送下

●快膈湯

【本草方】治冷膈氣及酒食後飽滿用青橘皮一
斤作四分四兩用鹽湯浸四兩用白沸湯浸四
兩用醋浸四兩用酒浸各三日取出去白切絲
以鹽一兩炒微焦研末每用二錢以茶末五分
水煎溫服亦可點服

哮喘門



●傷水喘急

【仁存方】因年少飲冷水驚恐所致者古文錢七枚洗淨白枚七個水一鍾同浸三宿空心一呷良久得吐效

●哮喘有聲

【普濟方】臥睡不得土朱末米醋調時時進一二服

●痰喘哮喘

【普濟方】馬蹄香焙研每服二三錢正發時淡醋調下少頃吐出痰涎爲驗

【皆效方】凡天雨便發坐臥不得飲食不進乃肺竅久積冷痰遇陰氣觸動則發也用此一服即愈服至七八次即出惡痰數升藥性亦隨痰而出即斷根矣用江西淡豆豉一兩蒸搗如泥入

砒霜末一錢枯白礬三錢九綠豆大每用冷茶冷水送下七丸甚者九丸小兒五丸即高枕仰臥忌食熱物等

【醫學集成】遇厚味即發者蘿蔔子淘淨蒸熟晒研薑汁浸蒸餅丸綠豆大每服三十九丸用口津嚥下日三服名清金丸

【並攝生方】鴨掌散用銀杏一個麻黃二錢半甘草炙二錢水一鍾半煎八分臥時服 又金陵一鋪治哮喘白果定喘湯服之無不效者其入以此起家其方用白果二十一個炒黃麻黃三錢蘇子二錢款冬花法製半夏桑白皮蜜炙各二錢杏仁去皮尖黃芩微炒各一錢半甘草一錢水三鍾煎二鍾隨時分作二服不用薑

【醫學正傳】貓頭骨燒灰酒服三錢便止

【葉氏摘元】貓糞燒灰砂糖湯服一錢

●喘急欲死

【肘后方】上氣鳴息者人參末湯服方寸七日五

六服效

【危氏得效方】不能語言涎流吐逆牙齒動搖氣

出轉大絕而復蘇名傷寒併熱霍亂大黃人參

各半兩水二盞煎一盞熱服可安

●陽虛氣喘

【濟生方】自汗盜汗氣短頭暈人參五錢熟附子

一兩分作四帖每帖以生薑十片流水二盞煎

一盞食遠溫服

●上氣喘息

【聖濟總錄】杏仁桃仁各半兩去皮尖炒研用水

調生麪和丸梧子大每服十九粒蜜湯下微利

爲度

【聖惠方】時有咳嗽茶子百合等分爲末蜜丸梧

子大每服七丸新汲水下

【本草方】煩熱食卽吐逆用砂糖薑汁等分相和

慢煎二十沸每嚥半匙取效

【普濟方】故錦一寸燒灰茶服神效

●定喘下氣

【三因方】補心腎神祕散用白仙茅半兩米泔浸

三宿晒炒圓參二錢半阿膠一兩半炒雞臙脰

一兩燒爲末每服二錢糯米飲空心下日二三

服

●肺虛喘息

【聖濟錄】連綿不息生鍾乳粉光明者五錢蠟三

兩化和飯飯內蒸熟研丸梧子大每溫水下



九

●肺濕痰喘

【摘元方】甜葶藶炒爲末棗肉丸服

●肺癰喘急

【金匱玉函方】不得臥葶藶大棗瀉肺湯主之葶

藶炒黃搗末蜜丸彈子大每用大棗二十枚水

三升煎取二升乃入葶藶一九更煎取一升頓

服亦主支飲不得息

【簡要濟衆方】馬兜鈴二兩去殼及膜酥半兩入

盤內拌勻慢火炒乾甘草炙一兩爲末每服一

錢水一盞煎六分溫呷或噙之

●肺熱氣喘

【聖惠方】生茅根一握咬咀水二盞煎一盞食後

溫服甚者三服止名如神湯

【圖經】集驗治肺熱悶喘急客熱往來欲死不堪

服藥者用桃皮芫花各一升以水四升煮取一

升以故布納汁中取薄胸口溫四肢益數刻卽

止

●風痰喘逆

【活法機要】兀兀欲吐眩暈欲倒半夏一兩雄黃

三錢爲末薑汁浸蒸餅九梧子大每服三十九

薑湯下已吐者加檳榔

【和劑局方】千縉湯用半夏湯洗七個甘草炙皂

莢炒各一寸薑二片水一盞煎七分溫服

●胸喘咳嗽

【衛生易簡方】蓖麻子去殼炒熟揀甜者食之須

多服見效終身不可食炒豆

【儒門事親方】用九尖蓖麻葉三錢入飛過白礬

二錢以豬肉四兩薄批搗藥在內荷葉裹之文

武火煨熟細嚼以白湯送下名九仙散

【普濟方】治咳嗽涎喘不問年深日近用經霜薑

麻葉經霜桑葉御米殼蜜炒各一兩爲末蜜丸

彈子大每服一丸白湯化下日一服名無憂丸

【經驗良方】不拘大人小兒用糯米泔少許磨茶

子滴入鼻中令吸入口服之口咬竹筒少項涎

出如線不過二三次絕根屢驗

【普濟方】豬爪甲二枚燒灰研入麝香一分同研

擦服

【經驗良方】用豬蹄甲四十九個洗淨每甲納半

夏白礬各一字罐盛固濟煨赤爲末入麝香一

錢七分每用糯米飲下半錢

●痰喘氣急

【普濟方】菰蘆二個明礬一棗大同燒存性研末

以熟蘿蔔蘸食藥盡病除

【簡便單方】生山藥搗爛半盞入甘蔗汁半盞和

勻燉熱飲之立止

【摘元】梨剉空納小黑豆令滿留蓋合住繫定棧

火煨熟搗作餅每日食之至效

●寒痰哮喘

【集簡方】野園荈研汁和酒服卽住

【張杲醫說】青橘皮一片展開入剛子一個麻絮

定火上燒存性研末薑汁和酒一鍾呷服天台

李翰林用此治莫秀才到口便止神方也

●諸喘不止

【發明】震亨曰諸喘不止用椒目炒礮二錢白湯

調服二三服以上劫之後乃隨痰火用藥時珍

曰椒目下達能行滲道不行穀道所以能下水

燥濕定喘消蠱也

●痰氣喘急

【簡便單方】蘿蔔子炒皂莢燒存性等分爲末薑

汁和煉蜜丸梧子大每服五七十九白湯下

●高年氣喘

【濟生祕覽】蘿蔔子炒研蜜丸梧子大每服五十

丸白湯下

●肺風喘促

【直指方】涎潮眼竄用透明阿膠切炒以紫蘇烏

梅肉焙研等分水煎服之

●喘促浮腫

【心鏡】小便淋瀝用杏仁一兩去皮尖熬研和米

煮粥空心喫二合妙

●哮喘不止

【食療本草】榆白皮陰乾焙爲末每日旦夜用水

五合末二錢煎如膠服

●年深哮喘

【集成】雞子略敲損浸尿缸中三四日煮食能去

風痰

●鹽哮痰喘

【摘元方】柏樹皮去粗搗汁和飛麪作餅烙熟早

晨與兒喫三四個待吐下鹽涎乃佳如不行熱

茶催之

失血門

●九竅出血

【主治嘉祐】四股指岐皆出血以井水噴面即止

【楊仁齋直指方】因暴驚而得其脈虛者靈砂三

十粒人參湯下三服愈此證不可錯認作血得

熱則流妄用涼藥誤事

【直指方】荊芥煎酒通口服之

【簡要濟衆】刺薊搗汁和酒服乾者爲末冷水服

【聖濟總錄】服藥不止者南天竺草卽瞿麥拇指

大一把山梔子仁三十個生薑一塊甘草炙半

兩燈草一小把大棗五枚水煎服

【海上方】牆頭苔按塞之

【本草方】石榴花揉塞之取效葉亦可

【三因方】並用龍骨末吹入鼻中昔人衄血一斛

衆方不止用此卽斷

【千金方】荊葉搗汁酒和服二合

【聖惠方】頭髮敗櫟陳蓮蓬並燒灰等分每服三

錢木香湯下

【聖惠方】人中白一團雞子大綿五兩燒研每服

二錢溫水服

●衄血不止

【葉氏方】用新汲井華水隨左右洗足卽止累用

有效 一方用冷水嚥面 一方冷水浸紙貼

額上以熨斗熨之立止 一方用冷水一瓶淋

射項上及啞門上或以濕紙貼之

【瑞竹堂方】白土末五錢井華水調服二服除根

【經驗方】定州白瓷細末吹少許立止

【梅師方】眩冒欲死濃墨汁滴入鼻中

【本草方】百草霜末吹之立止也

【十全博救方】鉛白霜末新汲水服一字

【聖惠方】胡粉炒黑醋服一錢卽止